

REGLUGERÐ**um breyting á reglugerð fyrir vatnsveitu í Hveragerðishreppi nr. 158 25. nóv. 1948.**

1. gr.

13. grein orðist svo:

Af öllum húsum í Hveragerðishreppi, sem svo er ástatt um, sem um getur í 12. gr. reglugerðar þessarar, skal greiða vatnsskatt að upphæð kr. 2% — tvo af hundraði — og kr. 240.00 gjald af hverri íbúð, þó skal lágmarksvatnsskattur vera kr. 400.00.

2. gr.

14. gr. um gróðurhús, orðist svo:

Af gróðurhúsum greiðist kr. 3.00 fyrir hvern fermetra. Aftan við 14. gr. skal bætast við:

Vatnsskatt má taka lögtaki og er hann tryggður með lögveðrétti í eigninni næstu 3 ár eftir gjalddaga með forgangsrétti fyrir hvers konar samningsveði og aðfararveði.

3. gr.

16. grein orðist svo:

Heimilt er hreppsnefndinni fyrir eitt ár í senn að hækka eða lækka vatnsskatt um allt að 50% — fimmtíu af hundraði —.

Reglugerð þessi staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi numin auglýsing um breyting á reglugerð fyrir vatnsveitu í Hveragerðishreppi nr. 213 31. des. 1958.

*Félagsmálaráðuneytið, 24. júlí 1963.***Emil Jónsson.***Hallgrímur Dalberg.*

31. júlí.

Nr. 144.

G J A L D S K R Á
fyrir Rafveitu Sauðárkróks.

I. RAFORKA

Rafveita Sauðárkróks selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 3.80 hver kwst.
2. Um kwst.mæli á kr. 1.75 hver kwst., auk fastagjalds af rúmi því, sem lýsa skal, er nemi kr. 15.00 á ári af hverjum fermetra gólfflatar í búðum, vinnustofum og skrifstofum, en fyrir geymslur og ganga skal greiða kr. 5.30 á ári af hverjum fermetra.

B. Almenn heimilisnotkun.

Um kwst.mæli þannig reiknað:

- | | |
|---|-----------------|
| a. Grunnjald (mælisleiga o. fl.) | kr. 8.00 á mán. |
| b. Orkugjald af allri notkun | — 0.85 — — |
| c. Fastagjald af hverju herbergi í íbúð | — 8.00 — — |

Til herbergja í íbúð skal telja öll herbergi, sem ætluð eru sem íveruherbergi og eldhús, en ekki ganga, baðherbergi eða geymslur. Herbergi, sem er minna en 5 ferm., skal telja sem hálf, en stærra en 25 ferm. sem tvö. Þar sem meðalstærð herbergja í íbúð er minni en 10 ferm., má miða við samanlagt flatarmál þeirra, þannig, að hverjir 10 ferm. jafngildi einu herbergi og 5 ferm. hálfu herbergi.

C. Vélanotkun.

Um kwst.mæli þannig:

- | | |
|---|------------------|
| 1. a. Fyrir fyrstu 3000 kwst. ársnotkun | kr. 2.75 á kwst. |
| b. — næstu 4000 — — | — 2.05 — — |
| c. — — 8000 — — | — 1.35 — — |
| d. Umfram 15000 — — | — 1.10 — — |
2. Til matvælaíðnaðar, ef uppsett vélaafl fastra véla er yfir 20 kw. og notandi skuldbindur sig til að greiða sem svarar minnst 1000 kwst. ársnotkun á hvert kw. vélanna um kwst.mæli.
- a. Á 76 aura hverja kwst., enda megi rjúfa strauminn í allt að 1½ klst. á tímum mesta álags rafveitunnar.
- b. Á 110 aura hverja kwst. án skilyrðis um lokun fyrir straum.
3. Um afl- og orkumæli þannig reiknað:
- | | |
|------------------------------------|-------------------------|
| a. Aflgjald af notuðu afli | kr. 935.00 á kw. á ári. |
| b. Orkugjald af allri notkun | — 0.35 — kwst. |

Notað afl telst vera meðaltal fjögurra hæstu mánaðarálestra hvers almanaksárs. Aflnotkunin mælist sem meðalalag yfir stundarfjórðung og álestrar fari fram um hver mánaðamót

D. Hitun.

Um kwst.mæli á 32 aura hverja kwst., enda sé minnsta notkun 6000 kwst. á ári. Sala á raforku eftir þessum gjaldskrárlíð er háð því skilyrði, að straumurinn sé rofinn í allt að 3 klst. á dag á mesta álagstíma um hádegis og síðdegis, en ekki lengur en 1½ klst. í senn. Rafveitustjóri ákveður lokunartíma hjá hverjum notanda.

Önnur skilyrði fyrir raforkusölu til hitunar.

- Að vélaafl, línur og spennar þoli álagið að dómi rafveitustjóra.
- Að klukkurofar séu fáanlegir og notandi kosti tengingu þeirra og greiði leigu af þeim samkvæmt reglum, sem gilda um leigu mæla.
- Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fasttengdir með sérstökum rofa og hitastillir notaður.

E. Önnur raforkunotkun.

- Raforku til suðu má selja til gisti- og veitingahúsa, sjúkrahúsa og annarra slíkra staða á 90 aura hverja kwst., enda sé notkunin mæld um sérmæli og suðutækin fasttengd.
- Til nota um vinnulagnir við byggingar meðan á byggingu stendur um kwst.mæli á kr. 2.75 hverja kwst.

3. Til bökunarofna í brauðgerðarhúsum um kwst.mæli á 25 aura hverja kwst., enda sé straumurinn rofinn frá kl. 8.30 til 22 eða um tvígjaldsmæli á 25 aura hverja kwst. frá kl. 20 til 8.30 og kr. 2.05 hverja kwst. frá kl. 8.30 til kl. 22.
4. Raforku til götu- og hafnarlýsingar á 110 aura hverja kwst.
5. Raforku til ljósa í beituskúrum og gripahúsum má selja án mælis á kr. 3000.00 árskw., enda sé spennan þá 32 volt og skriflegir samningar gerðir við neytendur um notkunina.

Söluskattur 3% er innifalinn í orkusöluinni.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverja veitu og er ákvörðun sú skuldbindandi fyrir notandann, sem skal greiða leigu sem hér segir:

1. Af einfasa mælum 30 amp. og minni	kr. 3.00 á mán.
2. — þrífasa — 50 — —	— 5.00 — —
3. — — — 50—200 amp.	— 10.00 — —
4. — — — yfir 200 —	— 13.00 — —

Af öðrum mælitækjum en þeim, sem nefnd eru í skránni, skal ársleigan vera sem næst 20% af verði mælitækjanna. Leigan skal innheimt um leið og gjald fyrir raforku.

III. HEIMTAUGARGJALD

Fyrir hverja húsveitu, sem tengd er við rafveitukerfi Sauðárkróks, skal greiða heimtaugargjald, miðað við rúmtak húss, samkvæmt eftirfarandi gjaldstiga.

Rúmmál húss í ten.m.:		Heimtaugargjald:
Frá 0 allt að 100	kr. 700.00	
— 100 — — 150	— 805.00	
— 150 — — 200	— 910.00	
— 200 — — 250	— 1050.00	
— 250 — — 300	— 1120.00	
— 300 — — 350	— 1260.00	
— 350 — — 400	— 1400.00	
— 400 — — 450	— 1540.00	
— 450 — — 500	— 1680.00	
— 500 — — 550	— 1820.00	
— 550 — — 600	— 1960.00	
— 600 — — 650	— 2100.00	
— 650 — — 700	— 2240.00	
— 700 — — 750	— 2380.00	
— 750 — — 800	— 2520.00	
— 800 — — 850	— 2660.00	
— 850 — — 900	— 2800.00	
— 900 — — 1000	— 3080.00	
— 1000 — — 1100	— 3360.00	
— 1100 — — 1200	— 3640.00	
— 1200 — — 1500	— 4200.00	
— 1500 — — 1750	— 4900.00	
— 1750 — — 2000	— 5600.00	
— 2000 — — 2250	— 6300.00	
2250 og yfir	— 7000.00	

Gjald þetta er miðað við loftlínu að gildleika 3×70 mm² eða grennri og allt að 60 metra að lengd. Fyrir jarðstreng skal greiða heimitaugargjald, sem er 20% hærra, enda sé jarðstrengur ekki gildari en 3×70 mm² eða lengri en 25 metrar. Húseigandi greiðir auk þess allan kostnað af því, ef heimitaug er gildari eða lengri en að framan greinir. Sé fleiri en ein heimitaug að húsinu, greiði húseigandi eftir reikningi allan kostnað, er af því leiðir. Ef sérstök heimitaug er lögð í peningshús eða bifreiðaskúr á byggingarlóð íbúðarhússins, telst hún aukahéimitaug í húsið. Verði síðan lögð jarðlína í stað loftlínu, greiðir húseigandi það, sem á vantar til þess að hann hafi greitt fullt jarlínuheimitaugargjald.

IV. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal gjald fyrir enduropnun vera kr. 20.00.
2. Ef fundin eru óleyfileg eða of stór vör við skoðun, skal veitunni lokað tafarlaust og verður hún eigi enduropnuð fyrr en notandinn hefur greitt kr. 20.00 á skrifstofu rafveitunnar.

Bæjarstjórn er heimilt að hækka eða lækka gjöld, sem ákveðin eru í I. kafla þessarar gjaldskrár, um allt að 20%, án sérstakrar staðfestingar ráðuneytis, enda sé breytingin auglýst í Lögbirtingablaðinu áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923 og raforkulögum, nr. 12 2. apríl 1946, til þess að öðlast gildi þegar í stað og birtist til eftirbreytni öllum, sem hlut eiga að máli.

Jafnframt fellur úr gildi gjaldskrá fyrir rafveituna, nr. 101 8. ágúst 1958.

Atvinnuálaráðuneytið, 31. júlí 1963.

Gunnar Thoroddsen.

Þorv. K. Þorsteinsson.

REGLUGERÐ

**um takmörkun leigubifreiða til mannflutninga á Seyðisfirði
og um ráðstöfun atvinnuleyfa.**

1. gr.

Tala allt að 8 farþega leigubifreiða til mannflutninga á Seyðisfirði skal á hverjum tíma miðuð við íbúatölu Seyðisfjarðarkaupstaðar, þannig, að ein leigubifreið komi á hverja 50 íbúa, sem lögheimili eiga í Seyðisfjarðarkaupstað, samkvæmt nýjstu skýrslum Hagstofu Íslands.

Þegar rétt hlutföll eru fengin milli tölu leigubifreiða og íbúatölu, skal veita atvinnuleyfi í stað hvers leyfis er losnar, svo og vegna fólksfjölgunar, eitt leyfi fyrir hverja 50 íbúa.

Atvinnuleyfi skulu að jafnaði veitt frá og með 1. júní ár hvert, ef veita skal þau samkvæmt framansögðu.

2. gr.

Við gildistöku reglugerðar þessarar skulu allir þeir, sem 15. júlí 1963 höfðu afgreiðslu hjá bifreiðastöð á Seyðisfirði, halda leyfi sínu, ef þeir eru meðlimir Bif-